



“МОНГОЛ УЛСАД ГАЗАР АШИГЛАЛТЫН ИЛ ТОД, ХҮРТЭЭМЖТЭЙ МЭДЭЭ, МЭДЭЭЛЛИЙН ТОГТОЛЦОО”

сэдэвт цахим хурлын тэмдэглэл

“Газрын ил тод , хүртээмжтэй мэдээ, мэдээллийн тогтолцооны тухай” үндэсний оролцогч талуудын цахим хурлыг Байгаль орчны ба хөгжлийн “ЖАСЫЛ” Холбооноос НЭС хөтөлбөр ба ТАБХ -ийн хүрээнд 2020 оны 4 дүгээр сар 10-нд зохион байгуулав. Тус хуралд оролцогчид газар ашиглалт, үүний дотор бэлчээрийн газар ашиглалтын талаархи мэдээ, мэдээллийн ил тод байдал, хүртээмжийг сайжруулах чиглэлээр хэрэгжүүлж байгаа ажлын үр дүнгийн талаар дараахь илтгэл, танилцуулга хийж хэлэлцүүлэв. Үүнд:

- “Кадастрын нэгдсэн систем , Ланд Менежер программ” - Х. Оюунбаяр , ГЗБГЗЗГ, Кадастрын хэлтсийн ахлах мэргэжилтэн
- “Бэлчээрийн мэдээ, мэдээлийг сайжруулах төсөл”- Н.Ганхуяг, МБАНХ, гүйцэтгэх захирал
- “Монголын шар шороон шуурганы мэдээлэл, цаг агаарын аюулт үзэгдлээс учрах хохирол, урьдчилан сэрэмжлүүлэх”- Ж.Цогт, судлаач
- “Зах зээл, Бэлчээрийн удирдлагын төсөл”, Т.Цэдэндамба , ХААХОУС/IFAD-ын төсөл
- “Бэлчээрийн сэргэх чадвахад суурилсан мониторингийн систем”- Д.Бурмаа, Монголын бэлчээр ашиглагчдын нэгдсэн холбоо, “Ногоон алт – Малын эрүүл мэнд” төсөл
- “Монгол улсын Бэлчээрийн экосистемүүд: зохистой ашиглах, хамгаалах “- Ц.Мөнхнасан ,ХХААХҮЯ , МАА-ын Бодлого, зохицуулалтын газар
- “Монгол улсын Ойн сан”- Д.Жагдаг, БОАЖЯ-ны Ойн бодлого зохицуулалтын газар
- “Газрын доройтлыг тэглэх үндэсний зорилт”- Н. Мандах ,Газарзүй, геоэкологийн Хүрээлэн
- “Байгаль орчин, газар ашиглалтын үндэсний статистик мэдээ, мэдээллийн тогтолцоо”- Ю.Батзоригт, ҮСХ-ны ҮТШСГ-ын статистикч

- “Монгол улсад газрын засаглалын үнэлгээ хийх LANDEX”- С. Сайнбаяр, Л.Уранбилэг , МГЗБХ /ХААИС,
- “Ланд Матрих: ГА-ын томоохон төслүүд”- Х.Ыханбай , “ЖАСЫЛ” Холбоо,
- “NES MONGOLIA платформ: бэлчээрийн менежментийн чиглэлээр хэрэгжүүлж үйл ажиллагаа”- Д.Эрдэнэбаатар, Бодлого судлалын төв

Цахим хурлаас газар ашиглалт, үүний дотор бэлчээрийн газар ашиглалтын ил тод мэдээ мэдээллийн хүртээмжийг сайжруулахад үндэсний оролцогч талуудын хамтарч хэрэгжүүлэх зарим үйл ажиллагааны талаар дараах зөвлөмж гаргаж, цаашид энэхүү үйл ажиллагааг Олон улсын бэлчээр ба нүүдэлийн малчдын жилийг зарлуулах тухай Монгол улсын саналтай уялдуулан хэрэгжүүлэх нь зүйтэй гэж үзэв. Үүнд:

- Үндэсний оролцогч талуудын хоорондын хамтын ажиллагаа, ажлын уялдааг сайжруулж, ажлын хэсэг байгуулан газрын асуудлаар уулзалт, зөвлөлгөөн, хуралдааныг цаашид тогтмолжуулах
- Газар ашиглалтын одоо байгаа мэдээллийн хүртээмж, чанарыг сайжруулж, арга зүйн хувьд ижилсүүлэн ГЗБГЗЗГ-ын Ланд Менежер программтай уялдуулах
- Бэлчээрийн мал аж ахуй, бэлчээрийн үнэлгээний тухай ойлголтыг өргөжүүлж, үүнийг ҮСХ-т хэрэгжиж эхэлсэн Байгаль орчин, эдийн засгийн дансны системтэй уялдуулах
- Холбогдох байгууллага ,төсөл хөтөлбөрүүдийн бэлчээрийн, тэр дундаа БАХ болон бусад бүтэц, зохион байгууллалтын талаархи мэдээ, мэдээллийг нэгтгэх, давхардал, орхигдолыг арилгах болон бодлого боловсруулагчид дэмжлэг үзүүлэх сайн туршлагын платформыг бий болгох замаар туршлага судлах боломжийг нээх
- Газар ашиглалт, үүний дотор бэлчээрийн газар ашиглалтын талаархи мэдээ, мэдээллийн ил тод байдал, хүртээмжийг сайжируулах, сум орон нутаг, бэлчээр ашиглах малчдын бүлэг, хэсэг, холбоодын оролцоог бэлчээр, МАА-ын тухай мэдээлэл цуглуулах, дүн шинжилгээ хийх, шийдвэр гаргахад нэмэгдүүлж, ХХААХҮЯ болон оролцогч талууд энэ чиглэлээр улсын хэмжээний хурал зөвлөгөөний хөтөлбөрт тусгуулан мэдээлэл танилцуулга хийх, үндэсний түвшинд болон бүсчилсэн зөвлөгөөнийг хамтран зохион байгуулах
- Цаашид газар ашиглалтын бусад хэлбэрүүд болон газрын бусад ангилалд , тухайлбал хүлэр бүхий намархаг газарт гарч буй өөрчлөлт, түүнд тавих хяналт, холбогдох бодлогын орхигдлыг энэ снаачлагын хүрээнд уялдуулах
- БОАЖЯ ойн экологи эдийн засгийн үнэлгээний арга зүй, тоо хэмжээг ил тод болгож, холбогдох оролцогч талууд газар ашиглалтын эдийн засаг зэрэг

судалгааны шинэ чиглэлүүдийг анхааралд авч, цаашид газарт учирсан хохирол, татвар болон бусад хураамж, төлбөрийн тооцоололд шинжлэх ухаанч арга барилыг хэвшүүлэх талаар хамтран ажиллах.



Хуралдааны үеэр. Фото зургийг авсан И.Еркин, “ЖАСЫЛ”

Илтгэл, мэдээлэлийг хавсаргаав